

Oya awaay ko law[^]aw a niyaro’

Toya papacem, teked sa a cecay mikakoy to hakenang, maro’ i ka’ayaw no fawahan, nengneng han ko ka’ayaw, awaay ko ’adipel no loma’, o kilang no calamay ko masarayarayay i taliyok no loma’, saraheker sa ko faloco’ mitapal tona ma’araway, awa ko kihar. Sapatel sa minengneng tora to’em, sonisoni mingata, sonisoni miraay a misalinalinah kora to’em, saraheker sa ko faloco’ a minengneng, hato maro’ay kako i kakarayan i loma’ no coyoh ato Kawas.

Sadak sa ko cidal i kawali, tedi’ sa ko likat nira, ’eceng sa ko mata, itiya lahedaaw sa koya to’em. Hapinang sa ko ’akawang nora Hay[^]an sanmay（海岸山脈）hananay a tokos, itira sanay to ko mata a minengneng tora langdaway a kilang, sanga’ ay sa ko faloco’ a minengneng, ya nani waliay a fali i, saliyaliyad sa halo fangsis no kilang a mitaelif, sanga’ay ko haraterateng. Pasiikor sa a manengneng i, ira ko Siwkolan hananay a ’alo a mingata, o kaikor nira i, ira ko Congyansanmay（中央山脈）hananay a tokos, ona ma’araway a maemin i, hato ya micongaana a kilang, tokos ato ’alo.

Mara’od to ko pisakalafian i, miclem to ko cidal, lodi’ sa

ko kakarayan, sakahengang sa; anca ira ko lidep maefer a misataliyoliyok i kakarayan a mitapal to kakaenen nira; manengneng kona nitapalan i, hato maro’ay kako i pala. Maherek malafi i, miromrom to ko akong to taringoan, miringo ko i loma’ay i taliyok no namal, makakitokitoh to ’orip, mitengil haca to pikitoh no akong to rayray no niyaro’. O dadaya no niyaro’ i, sato’eman sa, awaawa ko laaw[^]aw no tamdaw, katalawan, nengneng han ako ko toki i, faloay ho! Hatiniay ko ’orip no niyaro’ nano papacem taha dadaya, sakahemaw sanay ko faloco’, maolahay kako to hatiniay a ’orip.

(文章大意 僅供參考) ※字數限 200 字

寧靜的部落

太陽從東邊升起，露出一道道曙光，瀰漫的晨霧迅速驅離散開。

秀麗的海岸山脈露出型態，清翠的樹木盡入眼簾，讓人看了心曠神

怡，空氣中有股清新的感覺。

黃昏後，蔚藍的天晴空萬里，偶而還可以看見老鷹低空盤旋，讓

人宛如置身大自然。晚餐過後外公生一盆火，讓大家圍坐取暖，也聽

他聊著部落的過往。部落的夜晚一片漆黑，靜得讓人有些害怕。一天

緩慢的步調，讓我精神完全放鬆，我就是喜歡這樣的悠閒與寧靜。